

Headline	Belanjawanku sedia panduan bermanfaat		
MediaTitle	Berita Harian	Color	Full Color
Date	11 Mar 2019	Circulation	69,985
Section	Letters	Readership	209,955
Page No	77	ArticleSize	281 cm ²
Language	Malay	AdValue	RM 9,686
Journalist	N/A	PR Value	RM 29,059
Frequency	Daily		



Belanjawanku sedia panduan bermanfaat

Tahniah diucapkan kepada Kumpulan Wang Simpanan Pekerja (KWSP) dengan kerjasama Pusat Penyelidikan Kesejahteraan Sosial (SWRC), Universiti Malaya yang mengeluarkan panduan bertajuk *Belanjawanku*.

Enam golongan dijangka menerima manfaat melalui panduan ini. Mereka ialah individu bujang sama ada yang menggunakan pengangkutan awam atau kenderaan sendiri, selain pasangan berkahwin sama ada yang belum mempunyai anak atau memiliki seorang atau dua anak serta pasangan warga emas.

Difahamkan *Belanjawanku* ini direka berdasarkan tiga cara iaitu soal selidik berstruktur, perbincangan kumpulan khas dan kajian harga yang dibuat bermula daripada Julai 2017 sehingga Julai 2018, dengan golongan sasar mereka yang tinggal di Lembah Klang.

Secara ringkas, panduan *Belanjawanku* yang diterbitkan ini dianggap piawaian atau standard taraf hidup sederhana yang boleh diterima pakai semua golongan”



Secara ringkas, panduan *Belanjawanku* yang diterbitkan ini dianggap piawaian atau standard taraf hidup sederhana yang boleh diterima pakai semua golongan”

Ambil kira andaian asas

Belanjawanku mengambil kira beberapa andaian asas. Pertama, kos perumahan untuk golongan bujang ialah sewa bilik, manakala untuk golongan berkeluarga pula berdasarkan bahan ansuran rumah atau ba-

yanan sewa (yang lebih rendah).

Kedua, golongan berkeluarga memiliki motosikal atau kereta serta purata jarak perjalanan ke tempat kerja ialah 30 kilometer (km) dan latar belakang pendidikan ialah tahap rendah dan menengah.

Yang turut diambil kira dalam penetapan panduan ialah mereka menggunakan perkhidmatan kesihatan awam dan akhir sekali, mereka secara umumnya mempunyai taraf kesihatan yang baik dan boleh membuat keputusan yang tepat.

Penghasilan *Belanjawanku* mengambil kira data Jabatan Perangkaan Malaysia dan Bank Negara Malaysia, manakala data berhubung harga barang diperoleh daripada Kementerian Dalam Negeri dan Hal Ehwal Pengguna (KPDNHEP), Lembaga Kemajuan Ikan Malaysia (LKIM), Lembaga Pemasaran Pertanian Persekutuan (FAMA) dan beberapa agensi berkaitan.

Bukan itu sahaja, *Belanjawanku* dirangka berdasarkan Tinjauan Perbelanjaan dan Pendapatan Isi Rumah, manakala kriteria

harga barang dan perkhidmatan digunakan adalah berdasarkan harga purata semasa.

Jika terdapat harga lebih rendah, harga yang diambil kira terhad kepada 25 peratus sahaja daripada itu. Harga tawaran istimewa dan harga diskon tidak diambil kira.

Jamin harga realistik

Ini menjamin harga barang dan perkhidmatan ditentukan itu realistik berdasarkan harga semasa.

Diharap *Belanjawanku* dapat membantu semua golongan memahami perbelanjaan yang perlu dibuat (ataupun sekadar kehendak nafsu semata-mata) dan merancang perbelanjaan dengan lebih bijak mengikut kemampuan masing-masing.

Ia juga membantu mengukuhkan kedudukan kewangan semua penduduk bagi golongan B40 dan M40 di Lembah Klang.

Salina Abdullah,
Pensyarah Universiti
Teknologi MARA (UiTM),
Kampus Alor Gajah